

# 南區區域教學資源中心計畫主軸五



重點工作推動計畫-  
數位影音教材補助計畫



第六課  
世說新語選讀《夙惠第十二》

陳政雄

## 元方、季方炊飯

- 賓客詣陳太丘宿，太丘使元方、季方炊。客與太丘論議，二人進火，俱委而竊聽。炊忘箸算，飯落釜中。太丘問：「炊何不餹？」元方、季方長跪曰：「大人與客語，乃俱竊聽，炊忘箸算，飯今成糜。」太丘曰：「爾頗有所識不？」對曰：「仿佛志之。」二子俱說，更相易奪，言無遺失。太丘曰：「如此，但糜自可，何必飯也？」

## 何晏不忘本

○何晏七歲，明惠若神，魏武奇愛之。因晏在宮內，欲以為子。晏乃畫地令方，自處其中。人問其故？答曰：「何氏之廬也。」魏武知之，即遣還。

## 長安與日孰遠

○晉明帝數歲，坐元帝膝上。有人從長安來，元帝問洛下消息，潛然流涕。明帝問何以致泣？具以東渡意告之。因問明帝：「汝意謂長安何如日遠？」答曰：「日遠。不聞人從日邊來，居然可知。」元帝異之。明日集群臣宴會，告以此意，更重問之。乃答曰：「日近。」元帝失色，曰：「爾何故異昨日之言邪？」答曰：「舉目見日，不見長安。」



## 晉孝武帝論穿衣

○晉孝武年十二，時冬天，晝日不箸複衣，但箸單練衫五六重，夜則累茵褥。謝公諫曰：「聖體宜令有常。陛下晝過冷，夜過熱，恐非攝養之術。」帝曰：「晝動夜靜。」謝公出歎曰：「上理不減先帝。」

## 桓玄慟哭

○桓宣武薨，桓南郡年五歲，服始除，桓車騎與送故文武別，因指與南郡：「此皆汝家故吏佐。」玄應聲慟哭，酸感傍人。車騎每自目已坐曰：「靈寶成人，當以此坐還之。」鞠愛過於所生。

簡報完畢

